



## ORDO MISSÆ.

**Sacerdos signat se signo crucis et dicit:**

**I**n nómine Patris, et Filii, et Spiritus Sancti. Amen.

Introibo ad altáre Dei.

**Ministri R.** Ad Deum qui lætíficat iuventútem meam.

**Psalm. 42.**

**J**údica me Deus, et discérne causam meam de gente non sancta: ab hómine iniquo, et dolóso erue me.

**M.** Quia tu es Deus fortitúdo mea: quare me repulisti, et quare tristis incédo, dum affigit me inimicus?

**S.** Emitte lucem tuam, et veritátem tuam: ipsa me deduxérunt, et adduxérunt in montem sanctum tuum et in tabernácula tua.

**M.** Et introibo ad altáre Dei: ad Deum qui lætíficat iuventútem meam.

**S.** Confitébor tibi in cithara, Deus, Deus meus: quare tristis es ánima mea, et quare contúrbas me?

**M.** Spera in Deo, quóniam adhuc confitébor illi: salutáre vultus mei, et Deus meus.

**S.** Glória Patri, et Filio, et Spiritui Sancto.

**M.** Sicut erat in principio, et nunc, et semper: et in sæcula sæculórum. Amen.

**S. repetit Antiphonam:** Introibo ad altáre Dei.

**R.** Ad Deum qui lætíficat iuventútem meam.

**Signat se, dicens:**

**V.** Adjutórium nostrum in nómine Dómini.

**R.** Qui fecit cœlum et terram.

Deinde junctis manibus profunde inclinatus facit Confessionem.

**C**onfíteor Deo omnipoténti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Paulo, ómnibus Sanctis, et vobis fratres: quia peccávi nimis cogitátióne, verbo, et ópere: (**Per-cutit sibi pectus ter, dicens:**) mea culpa, mea culpa, mea máxima culpa. Ideo precor beátam Mariam semper Virginem, beátum Michaëlem Archángelum, beátum Joánnem Baptistam, sanctos Apóstolos Petrum et Paulum, omnes sanctos, et vos fratres, oráre pro me ad Dóminum Deum nostrum.

**Ministri respondent:**

**M**isereátur tui omnipotens Deus, et dimíssis peccátiis tuis, perdúcat te ad vitam ætérnam.

**Sacerdos dicit:** Amen. et erigit se.

Deinde ministri repetunt Confessionem: et ubi a Sacerdote dicebatur vobis fratres, et vos fratres, a ministris dicitur tibi pater, et te pater.

Postea Sacerdos facit absolutionem dicens:

**M**isereátur vestri omnipotens Deus, et dimíssis peccátiis vestris, perdú-

cat vos ad vitam ætérnam. **R.** Amen.

**I**ndulgéntiam, absolutiÓNem, et remissiÓNem peccatórum nostrórum tribuat nobis omnipotens, et miséricors Dóminus.

**R.** Amen.

**V.** Deus tu convérsus vivificábis nos.

**R.** Et plebs tua lætábitur in te.

**V.** Osténde nobis Dómine misericórdiam tuam.

**R.** Et salutáre tuum da nobis.

**V.** Dómine exáudi oratiÓNem meam.

**R.** Et clamor meus ad te véniat.

**V.** Dóminus vobiscum.

**R.** Et cum spiritu tuo.

Et ascendens ad Altare, dicit secreto:

Orémus.

**A**ufer a nobis, quæsumus Dómine, iniquitátes nostras: ut ad Sancta sanctorum puris mereámur méntibus introire. Per Christum Dóminum nostrum. Amen.

Deinde inclinatus dicit:

**O**rámus te, Dómine, per mérita sanctorum tuorum, quorum reliquiæ hic sunt, et ómnium Sanctorum: ut indulgére dignéris ómnia peccáta mea. Amen.



In Missa solemnî, Celebrans antequam legat Introitum, benedicit incensum, dicens:

Ab illo bene ✠ dicâris, in cuius honore cremâberis. Amen.

Et incensat Altare, nihil dicens.

Deinde Celebrans signans se signo crucis incipit Introitum: quo finito alternatim cum ministris dicit:

**K**ýrie eléison. Kýrie eléison. Christe eléison. Christe eléison. Christe eléison. Kýrie eléison. Kýrie eléison. Kýrie eléison.

Postea dicit:

Glória in excelsis Deo. Et in terra pax hominibus bonæ voluntátis. Laudâmus te. Benedicimus te. Adorâmus te. Glorificâmus te. Grâtiâs ágimus tibi propter magnam glóriam tuam. Dómine Deus, Rex cœlestis, Deus Pater omnipotens. Dómine Fili unigénite Jesu Christe. Dómine Deus, Agnus Dei, Filius Patris. Qui tollis peccáta mundi, miserere nobis. Qui tollis peccáta mundi, súscipe deprecationem nostram. Qui sedes ad dexteram Patris, miserere nobis. Quóniam tu solus sanctus. Tu solus Dóminus. Tu solus Altissimus, Jesu Christe. Cum

Sancto Spirítu, in glória Dei Patris. Amen.

Deinde osculatur Altare in medio, et versus ad populum dicit:

✠. Dóminus vobiscum. R. Et cum spirítu tuo.

Postea dicit: Orémus. et Orationes.

Sequitur Epistola, Graduale, Tractus, vel Allelúja, cum Versu, aut Sequéntia, ut tempus postulat.

His finitis, si est Missa solemnîs, Diaconus deponit librum Evangeliorum super medium Altaris, et Celebrans benedicit incensum, ut supra: deinde Diaconus genuflexus ante Altare, manibus junctis dicit:

**M**unda cor meum, ac lábia mea, omnipotens Deus, qui lábia Isafæ Prophætæ cálculo mundásti ignito: ita me tua grata miseratióne dignâre mundâre, ut sanctum Evangelium tuum digne váleam nuntiâre. Per Christum Dóminum nostrum. Amen.

Postea accipit librum de Altari, et rursus genuflexus petit benedictionem a Sacerdote, dicens:

Jube domne benedicere.

Sacerdos respondet:

**D**óminus sit in corde tuo, et in lábiis tuis: ut dignet et competenter annún-

ties Evangelium suum: In nómine Patris, et Filii, ✠ et Spirítus Sancti. Amen.

Et accepta benedictione, osculatur manum Celebrantis: et cum aliis ministris, incenso, et luminaribus, accedens ad locum Evangelii, stans junctis manibus, dicit: ✠. Dóminus vobiscum. R. Et cum spirítu tuo. Et pronuntians: Sequéntia sancti Evangelii secundum N. sive Inítium. pollice dexteræ manus signat librum in principio Evangelii, quod est lecturus, deinde seipsum in fronte, ore, et pectore: et dum ministri respondent Glória tibi Dómine. incensat ter librum, postea prosequitur Evangelium junctis manibus. Quo finito, Subdiaconus defert librum Sacerdoti, qui osculatur Evangelium, dicens: Per evangélica dicta deleántur nostra delicta.

Deinde Sacerdos incensatur a Diacono.

Si vero Sacerdos sine Diacono et Subdiacono celebrat, delato libro ad aliud cornu Altaris, inclinatus in medio, junctis manibus dicit:

Munda cor meum. ut supra, et Jube Dómine benedicere. Dóminus sit in corde meo, et in lábiis meis: ut digne et competenter annúntiem Evangelium suum. Amen.

Deinde conversus ad librum, junctis manibus dicit:

✠. Dóminus vobiscum. R. Et cum spirítu tuo.

Et pronuntians: Inítium. sive Sequéntia sancti Evangelii. signat librum, et se in fronte, ore, et pectore, et legit Evangelium, ut dictum est. Quo finito, respondet minister: Laus tibi Christe. et Sacerdos osculatur Evangelium, dicens: Per evangélica dicta. ut supra.

Deinde in medio Altaris dicit:

Credo in unum Deum, Patrem omnipotentem, factorem cœli et terræ, visibilem omnium, et invisibilem. Et in unum Dóminum Jesum Christum, Filium Dei unigénitum. Et ex Patre natum ante omnia sæcula. Deum de Deo, lumen de lumine, Deum verum de Deo vero. Génitum, non factum, consubstantialem Patri: per quem omnia facta sunt. Qui propter nos hómines, et propter nostram salutem descendit de cœlis. (Hic genuflectitur.) Et incarnatus est de Spirítu Sancto ex Maria Virgine: Et homo factus est. Crucifixus étiam pro nobis: sub Póntio Piláto passus, et sepúltus est. Et resurrexit tértia die, secundum Scriptúras. Et ascendit in cœlum: sedet ad dexteram Patris. Et iterum venturus est cum glória judicâre vivos, et mortuos: cuius regni non erit



finis. **Et** in Spiritum Sanctum, Dóminum, et vivificantem: qui ex Patre, Filioque procedit. Qui cum Patre, et Filio simul adoratur, et conglorificatur: qui locutus est per Prophétas. **Et** unam sanctam catholicam et apostólicam Ecclesiam. **Confiteor** unum baptisma in remissionem peccatorum. **Et** exspecto resurrectionem mortuorum. **Et** vitam ventúri sæculi. Amen.

**Deinde osculatur Altare, et versus ad populum, dicit:**

**¶** Dóminus vobiscum.  
**R.** Et cum spiritu tuo.

**Postea dicit: Orémus. et Offeritorium et offerens hostiam dicit:**

**S**uscipe sancte Pater, omnipotens ætérne Deus, hanc immaculatam hostiam, quam ego indignus famulus tuus offero tibi Deo meo vivo, et vero, pro innumerabilibus peccatis, et offensionibus, et negligentis meis, et pro omnibus circumstantibus, sed et pro omnibus fidelibus christiánis vivis atque defunctis: ut mihi, et illis proficiat ad salutem in vitam ætérnam. Amen.

**Deinde infundit Sacerdos vinum, et aquam in calice dicens:**

**D**eus, qui humanæ substantiæ dignitatem mirabiliter condidisti, et mirabilius reformasti: da nobis per hujus aquæ et vini mysterium, ejus divinitatis esse consórtes, qui humanitatis nostræ fieri dignátus est párticeps, Jesus Christus Filius tuus Dóminus noster: Qui tecum vivit et regnat in unitate Spiritus Sancti Deus: per ómnia sæcula sæculórum. Amen.

**Postea accipit calicem, et offert dicens:**

**O**fferimus tibi, Dómine, cálicem salutáris, tuam deprecántes cleméntiam: ut in conspéctu divinæ majestátis tuæ, pro nostra, et totius mundi salute cum odóre suavitátis ascéndat. Amen.

**Deinde super Altare, aliquantulum inclinatus, dicit:**

**I**n spiritu humilitátis, et in ánimo contríto suscipiamur a te, Dómine: et sic fiat sacrificium nostrum in conspéctu tuo hódie, ut pláceat tibi, Dómine Deus.

**Erectus dicit:**

**V**eni sanctificátor omnipotens ætérne Deus: et béne **✠** dic hoc sacrificium, tuo sancto nómini præparátum.

**Postea si solemniter celebrat, benedicit incensum, dicens:**

**P**er intercessiónem beati Michaélis Archángeli, stantis a dextris altáris incénsi, et ómnium electórum suórum, incensum istud dignétur Dóminus béne **✠** dicere, et in odóre suavitátis accipere. Per Christum Dóminum nostrum. Amen.

**Et incensat oblata, dicens:**

**I**ncensum istud a te benedictum, ascéndat ad te, Dómine: et descéndat super nos misericórdia tua.

**Deinde incensat Altare, dicens:**

**Psalm. 140.**

**D**irigátur, Dómine, orátio mea, sicut incensum, in conspéctu tuo: elevátio mánum meárum sacrificium vespertinum. Pone, Dómine, custódiam ori meo, et óstium circumstantiæ lábiis meis: ut non declinet cor meum in verba malitiæ, ad excusandas excusatiónes in peccátis.

**Dum reddit thuribulum Diacono, dicit:**

**A**scéndat in nobis Dóminus ignem sui amóris, et flammam ætérnæ caritátis. Amen.

**Postea Sacerdos lavat manus, dicens:**

**Psalmus 25.**

**L**avábo inter innocéntes manus meas: et circúmdabo altáre tuum, Dómine. **U**t audiam vocem laudis: et enárrem univérsa mirabilia tua.

**D**ómine, diléxi decórem domus tuæ: et locum habitatiónis glóriæ tuæ.

**N**e perdas cum impiis, Deus, ánimam meam: et cum viris sánguinem vitam meam.

**I**n quorum mánibus iniquitátes sunt: dextera eórum repléta est munéribus.

**E**go autem in innocéntia mea ingressus sum: redíme me, et miserére mei.

**P**es meus stetit in directo: in ecclésiis benedicam te, Dómine.

**G**lória Patri, et Filio, et Spiritui Sancto.

**S**icut erat in principio, et nunc, et semper: et in sæcula sæculórum. Amen.

**Deinde aliquantulum inclinatus in medio Altaris, dicit:**

**S**uscipe sancta Trinitas hanc oblatiorem, quam tibi offerimus ob memóriam passiónis, resurrectiόνis, et ascensiónis Jesu Christi Dómini nostri: et in honórem beatæ Mariæ semper Virginis, et beati Joánnis Baptistæ, et sanctorum Apostolórum Petri



et Pauli, et istórum, et ómnium Sanctórum: ut illis proficiat ad honórem, nobis autem ad salutem: et illi pro nobis intercedere dignentur in cœlis, quorum memóriam ágimus in terris. Per eúndem Christum Dóminum nostrum. Amen.

Postea osculatur Altare, et versus ad populum, dicit:

**O**râte fratres: ut meum ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent, alioquin ipsemet Sacerdos:

**S**uscipiat Dóminus sacrificium de mánibus tuis (vel meis) ad laudem, et glóriam nóminis sui, ad utilitatem quoque nostram, totiúsque Ecclesiæ suæ sanctæ.

Sacerdos submissa voce dicit: Amen.

Deinde sine Orémus. subjungit Orationes secretas. Quibus finitis, clara voce dicit:

**P**er omnia sæcula sæculórum. **R.** Amen. **Ÿ.** Dóminus vobiscum. **R.** Et cum spiritu tuo. **Ÿ.** Sursum corda. **R.** Habémus ad Dóminum. **Ÿ.** Grátias agamus Dómino Deo nostro. **R.** Dignum et justum est.

Vere dignum et justum est, æquum et salutáre, nos

tibi semper, et ubique grátias ágere: Dómine sancte, Pater omnipotens, ætérne Deus: per Christum Dóminum nostrum. Qui ascéndens super omnes cœlos, sedénsque ad dexteram tuam, promissum Spiritum Sanctum hodiérna die in filios adoptiónis effúdit. Quaprópter profúsis gáudiis, totus in orbe terrarum mundus exsultat. Sed et supérnæ Virtútes, atque angélicæ Potestátes, hymnum glóriæ tuæ concinunt, sine fine dicétes.

**S**anctus, Sanctus, Sanctus Dóminus Deus Sábaoth. Pleni sunt cœli, et terra glória tua. Hosánna in excélsis.

Benedictus, qui venit in nómine Dómini. Hosánna in excélsis.

### Canon Missæ.

**T**E igitur, clementissime Pater, per Jesum Christum Filium tuum Dóminum nostrum, súpplices rogámus, ac pétimus, ut accépta hábeas, et benedicas hæc dona, hæc múnera, hæc sancta sacrificia illibáta, in primis, quæ tibi offérimus pro Ecclesiá tua sancta cathólica: quam pacificáre, custodire, adunáre, et

régere dignéris toto orbe terrarum: una cum famulo tuo Papa nostro **N.** et Antístite nostro **N.** et ómnibus orthodoxis, atque cathólicæ, et apostólicæ fidei cultóribus.

### Commemoratio pro vivis.

**M**emento, Dómine, famulórum, famularúmque tuárum **N.** et **N.** Sacerdos orat aliquantulum pro quibus orare intendit: et ómnium circumstántium, quorum tibi fides cónita est, et nota devótió, pro quibus tibi offérimus: vel qui tibi offerunt hoc sacrificium laudis, pro se, suisque ómnibus: pro redemptióne animárum suárum, pro spe salutis, et incolumitátis suæ: tibi que reddunt vota sua ætérno Deo, vivo et vero.

### Infra Actionem.

**C**ommunicántes, et diem sacratissimum Pentecóstes celebrántes, quo Spiritus Sanctus Apóstolis innúmeris linguis apparuit: sed et memóriam venerántes, in primis glorióssæ semper Virginis Mariæ, Genitricis Dei et Dómini nostri Jesu Christi: sed et beatórum Apóstolorum, ac Mátyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bar-

tholomæi, Matthæi, Simónis et Thaddæi: Lini, Cleti, Clementis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum; quorum méritis, precibusque concédas; ut in ómnibus protectiónis tuæ muniámur auxilio.

**Jungit manus.** Per eúndem Christum Dóminum nostrum. Amen.

Tenens manus expansas super oblata, dicit:

Hanc igitur oblatiónem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua, et Spiritu Sancto, tribuens eis remissionem ómnium peccatórum, quæsumus Dómine, ut placátus accipias: diésque nostros in tua pace dispónas, atque ab ætérna damnatióne nos éripi, et in electórum tuórum júbeas grege numerári.

**Jungit manus.** Per Christum Dóminum nostrum. Amen.

Et dicitur usque ad sequens Sabbatum inclusive.

**Q**uam oblatiónem tu Deus in ómnibus, quæsumus, benedictam, adscriptam, ra-